



Saopćenje FUP-a nakon podnesenog izvještaja **SIPA ih prijavila, Lukač i Džeba tvrde da nisu krivi**

Direktor FUP-a i njegov zamjenik terete se za
zloupotrebu položaja i ovlaštenja

Agencija za istrage i zaštitu BiH (SIPA) podnijela je Kantonalnom tužilaštvu u Sarajevu izvještaj o počinjenom krivičnom djelu protiv direktora Federalne uprave policije Dragana Lukača i njegovog zamjenika Samira Džebe zbog sumnje da su nezakonito primali naknade za smještaj i režijske troškove.

- SIPA je Kantonalnom tužilaštvu uputila izvještaj o počinjenom krivičnom djelu i izvršiocima protiv ova dva lica zbog sumnje da su počinili krivično djelo zloupotrebe položaja ili ovlaštenja, zbog nezakonitog primanja naknada koje nemaju karakter plate na ime troškova smještaja i naknade za režijske troškove - rekla je portparol SIPA-e Kristina Jozić.

S druge strane, jučer su reagirali i iz FUP-a. U saopćenju za javnost kaže se da su neo-



snovani navodi po kojima je SIPA podnijela Kantonalnom tužilaštvu izvještaj o počinjenom krivičnom djelu protiv Lukača i Džebe. Iz FUP-a tvrde da nije bilo nikakvih zloupotreba u kontekstu primanja naknada predviđenih zakonskim i podzakonskim propisima.

- Također, želimo nagla-

siti da SIPA, shodno članu 3. Zakona o državnoj agenciji za istrage i zaštitu (krivična djela iz nadležnosti Suda BiH) i Zakonu o krivičnom postupku BiH, nije nadležna da postupa u navedenim slučajevima iz nadležnosti Federalnog tužilaštva i kantonalnih tužilaštava - navodi se u saopćenju FUP-a.